



JUDICIAL SYSTEM MONITORING PROGRAMME  
PROGRAMA MONITORIZASAUN SISTEMA JUDICIAL

## *Komunikadu Imprensa*

*1 FEVEREIRU 2013*

### **Tribunál Distritál Dili fó Advertensia ba arguidu kazu violénsia doméstika**

Iha 1 FEVEREIRU 2013 Tribunál Distritál Dili hato'o sentensa admoestasaun no kustu judisiáriu \$10 ba kondenadu ne'ebé komite krime violénsia doméstika.

Ministériu Públiku akuza katak iha 2 Juñu 2012 iha Becora Dili kondenadu ho ínisial CMO basa, tuku no dada nia kónjuje nia fuuk no kauza vítima ba baixa iha ospital Guidu Valadares. Ministériu Públiku dehan katak arguidu prátika krime ne'e tanba vítima fanu arguidu atu kous labarik ne'ebé tanis.

“JSMP louva autór judisiáriu sira tanba continua fó prioridade ba julga kazu violénsia bázeia ba jéneru,” dehan Diretor JSMP Luis de Oliveira Sampaio.

Tribunál hateten arguidu kulpadu ho ofensas ba integridade física simples (artigu 145 Kódigu Penál) ho natureza violénsia doméstika (artigu 2 no 6 Lei Kontra Violénsia Doméstika).

Kazu ne'e rejista iha tribunál ho Número Prosesu: 0047/2012/TDDIL. Dr. Antonio Helder Viana do Carmo preside julgamentu ne'e. Dr. Vicente Brites representa Ministériu Públiku no arguidu hetan defeza husi Dra. Marcia M. F. Sarmento husi Eskritóriu Defensória Públiku.

Atu hetan informasaun kle'an favor kontaktu direktamente:

Luis de Oliveira Sampaio  
Diretor Ezekutivu JSMP  
Diresaun e-mail: [luis@jsmp.minihub.org](mailto:luis@jsmp.minihub.org)  
Landline: 3323883